

1981



პროლეტარული
კვება
ქვეყნისა,
შეერთებით!

საქართველოს
საბჭოთა
სოციალისტური
რესპუბლიკის

№ 12

1 9 8 1

უმაღლესი საბჭოს

უწყებები

საქართველოს სსრ უმაღლესი საბჭოს გამომცემა

თბილისი

საქართველოს საბჭოთა სოციალისტური რესპუბლიკის



უმაღლესი საბჭოს
უწყებები

№ 12 (492)

ნოემბერი

1981 წელი

შ ი ნ ა ა რ ს ი

განყოფილება პირველი

282. ბრძანებულება საქართველოს სსრ უმაღლესი საბჭოს პრეზიდიუმისა საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის კომიტეტის საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის საკავშირო-რესპუბლიკურ სახელმწიფო კომიტეტად გარდაქმნის შესახებ.
283. ბრძანებულება საქართველოს სსრ უმაღლესი საბჭოს პრეზიდიუმისა ა. მ. ხ. ჯ. ლორთქიფანიძის საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის საკავშირო-რესპუბლიკური სახელმწიფო კომიტეტის თავმჯდომარედ დანიშვნის შესახებ.
284. ბრძანებულება საქართველოს სსრ უმაღლესი საბჭოს პრეზიდიუმისა საქართველოს სსრ სისხლის სამართლისა და სისხლის სამართლის საპროცესო კოდექსებში დამატებებისა და ცვლილებების შეტანის შესახებ.
285. დადგენილება საქართველოს სსრ უმაღლესი საბჭოს პრეზიდიუმისა საქართველოს სსრ სისხლის სამართლის კოდექსის 169² მუხლის გამოყენების წესის შესახებ.
286. ბრძანებულება საქართველოს სსრ უმაღლესი საბჭოს პრეზიდიუმისა საქართველოს სსრ რესპუბლიკაში რელიგიურ გაერთიანებათა შესახებ დებულებაში ცვლილებებისა და დამატებების შეტანის თაობაზე.

განყოფილება პირველი

ბრძანებულება საქართველოს სსრ უმაღლესი საბჭოს პრეზიდიუმისა

282 საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის კომიტეტის საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის საკავშირო-რესპუბლიკური სახელმწიფო კომიტეტად გარდაქმნის შესახებ

„სსრ კავშირის მინისტრთა საბჭოსთან არსებული მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის კომიტეტის მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის სსრ კავშირის სახელმწიფო კომიტეტად გარდაქმნის შესახებ“ სსრ კავშირის უმაღლესი საბჭოს პრეზიდიუმის 1981 წლის 27 ივლისის ბრძანებულების შესაბამისად საქართველოს სსრ უმაღლესი საბჭოს პრეზიდიუმი ადგენს:

გარდაიქმნას საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის კომიტეტი საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის საკავშირო-რესპუბლიკური სახელმწიფო კომიტეტად.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი თ. ლაშქარაშვილი.

თბილისი. 1981 წლის 5 ნოემბერი.

ბრძანებულება საქართველოს სსრ უმაღლესი საბჭოს პრეზიდიუმისა

283 ამხ. გ. კ. ლორთქიფანიძის საქართველოს სსრ მრეწველობის სამუშაოთა უსაფრთხოდ წარმოების ზედამხედველობისა და სამთო ზედამხედველობის საკავშირო-რესპუბლიკური სახელმწიფო კომიტეტის თავმჯდომარედ დანიშნის შესახებ

საქართველოს სსრ უმაღლესი საბჭოს პრეზიდიუმი ადგენს:

დანიშნოს ამხ. გიორგი კონსტანტინეს ძე ლორთქიფანიძე საქართველოს სსრ მრეწველობის სამუშაოთა უსაფრთხოდ წარმოების ზედამხედვე-

ლობისა და სამთო ზედამხედველობის საკავშირო-რესპუბლიკური სახელმწიფო კომიტეტის თავმჯდომარედ.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი თ. ლაშქარაშვილი.

თბილისი. 1981 წლის 5 ნოემბერი.

ბრძანებულება საქართველოს სსრ უმაღლესი საბჭოს პრეზიდიუმისა

284 საქართველოს სსრ სისხლის სამართლისა და სისხლის სამართლის საპროცესო კოდექსებში დამატებებისა და ცვლილებების შეტანის შესახებ

სახელმწიფო ან საზოგადოებრივი ქონების წვრილმანი გატაცების, მოსახლეობის მომსახურებასთან დაკავშირებული სამუშაოების შესრულებისათვის მოქალაქეებისაგან უკანონო გასამრჯელოს მიღებისა და ვაჭრობის წესების უხეში დარღვევის ფაქტებთან ბრძოლის გაძლიერების მიზნით საქართველოს სსრ უმაღლესი საბჭოს პრეზიდიუმი ადგენს:

შეტანილ იქნეს საქართველოს სსრ სისხლის სამართლისა და სისხლის სამართლის საპროცესო კოდექსებში შემდეგი ცვლილებები და დამატებები:

1. საქართველოს სსრ სისხლის სამართლის კოდექსის 95-ე მუხლს:

ა) პირველი ნაწილის შემდეგ დაემატოს შემდეგი შინაარსის ნაწილი:

„იგივე ქმედობა, რასაც მოჰყვა რკინიგზით და სხვა ტრანსპორტით გადაზიდვისას, აგრეთვე მუდმივი და დროებითი შენახვის ადგილებში ავტომობილების, ტრაქტორების, სასოფლო-სამეურნეო და სხვა ტექნიკის განკომპლექტება, —

ისჯება თავისუფლების აღკვეთით ვადით ერთ წლამდე ან გამასწორებელი სამუშაოებით იმავე ვადით ან ჯარიმით ასიდან სამას მანეთამდე“;

ბ) ამასთან დაკავშირებით ამ მუხლის მეორე ნაწილი ჩაითვალოს მესამე ნაწილად და ჩამოყალიბდეს იგი შემდეგი რედაქციით:

„ამ მუხლის პირველი და მეორე ნაწილით გათვალისწინებული ქმედობა, ჩადენილი იმ პირის მიერ, რომელიც წინათ გასამართლებული იყო წვრილმანი გატაცებისათვის, ან რომელმაც წინათ ჩაიდინა სახელმწიფო ან საზოგადოებრივი ან მოქალაქეთა პირადი ქონების გატაცება, გათვალისწინებული ამ კოდექსის 78-ე, 91-94-ე, 96-ე, 96¹, 150-153-ე, 240-ე, 252¹ მუხლებით, —

ისჯება თავისუფლების აღკვეთით ვადით ორ წლამდე ან გამასწორებელი სამუშაოებით ვადით ერთ წლამდე ან ჯარიმით სამასიდან ხუთას მანეთამდე“.

2. საქართველოს სსრ სისხლის სამართლის კოდექსს დაემატოს შემდეგი შინაარსის 169² და 169³ მუხლები:

„**მუხლი 169²**. მოსახლეობის მომსახურებასთან დაკავშირებული საშუალო
ოს შესრულებისათვის მოქალაქეებისაგან უკანონო გასა-
მრჯელოს მიღება

საწარმოს, დაწესებულების ან ორგანიზაციის იმ მუშაკის მიერ, რომელიც
არ არის თანამდებობის პირი, მოქალაქისაგან გამოძალვის გზით უკანონო გა-
სამრჯელოს მიღება სამუშაოს შესრულებისათვის ან ვაჭრობის, საზოგადოებ-
რივი კვების, საყოფაცხოვრებო, კომუნალური, სამედიცინო, სატრანსპორტო
ან მოსახლეობის მომსახურების სხვა სფეროში გაწეული მომსახურებისათვის,
რომელიც ასეთი მუშაკის სამსახურებრივ მოვალეობას განეკუთვნება,—

ისჯება გამასწორებელი სამუშაოებით ვადით ერთ წლამდე ან ჯარიმით ას
მანეთამდე.

იგივე ქმედობა, ჩადენილი არაერთგზის ან დიდი ოდენობით, —

ისჯება თავისუფლების აღკვეთით ვადით სამ წლამდე ან ჯარიმით ხუთას
მანეთამდე.

მუხლი 169³. ვაჭრობის წესების დარღვევა

სავაჭრო საწარმოების (ორგანიზაციების) ან საზოგადოებრივი კვების
საწარმოების (ორგანიზაციების) საწყობებიდან, ბაზებიდან, დამხმარე ნაგებო-
ბებიდან საქონლის გაყიდვა ან მყიდველისათვის საქონლის დამალვა, ჩადენი-
ლი ანგარებით ან სხვა პირადი დაინტერესებით, —

ისჯება გამასწორებელი სამუშაოებით ვადით ერთ წლამდე სავაჭრო
საწარმოებში (ორგანიზაციებში) და საზოგადოებრივი კვების საწარმოებ-
ში (ორგანიზაციებში) გარკვეული თანამდებობის დაკავების ან გარკვეული
საქმიანობის უფლების ჩამორთმევით ან უამისოდ, ანდა ჯარიმით ას მანე-
თამდე.

იგივე ქმედობა, ჩადენილი განმეორებით, —

ისჯება თავისუფლების აღკვეთით ვადით სამ წლამდე ან ჯარიმით ხუთას
მანეთამდე“.

3. საქართველოს სსრ სისხლის სამართლის საპროცესო კოდექსის 402-ე
მუხლის პირველ ნაწილში სიტყვები „95-ე მუხლის მეორე ნაწილით“ შეიცვა-
ლოს სიტყვებით „95-ე მუხლის მეორე და მესამე ნაწილებით“.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი თ. ლაშქარაშვილი.

თბილისი. 1981 წლის 11 ნოემბერი.

დადგინდება საქართველოს სსრ უმაღლესი საბჭოს პრეზიდიუმისა

285 საქართველოს სსრ სისხლის სამართლის კოდექსის 169² მუხ-
ლის გამოყენების წესის შესახებ

„საქართველოს სსრ სისხლის სამართლისა და სისხლის სამართლის საპ-
როცესო კოდექსებში დამატებებისა და ცვლილებების შეტანის შესახებ“ სა-

ქართველოს სსრ უმაღლესი საბჭოს პრეზიდიუმის 1981 წლის 11 ნოემბრის ბრძანებულების მიღებასთან დაკავშირებით საქართველოს სსრ უმაღლესი საბჭოს პრეზიდიუმი ადგენს:

1. განიმარტოს, რომ უკანონო გასამრჯელოს მიღებისათვის სისხლის სამართლის პასუხისგებაში შეიძლება მიეცეს პირი, რომელიც მუშაობს მოსახლეობის მომსახურების სფეროში (მაღაზიაში, საზოგადოებრივი კვების საწარმოში, ატელიეში, სახელოსნოში, სამედიცინო დაწესებულებაში, საბილეთო სალაროში, სასტუმროში და ა. შ.), რომელმაც გამოძალვის გზით მოქალაქისაგან მიიღო უკანონო გასამრჯელო გარკვეული სამუშაოს შესრულებისათვის, კონკრეტული მომსახურების გაწევისათვის ან სხვა მოქმედებისათვის, რომელიც ამ პირის სამსახურებრივ მოვალეობას განეკუთვნება (საქონლის, რკინიგზისა და საავიაციო ბილეთების გაყიდვა, ტანსაცმლის შეკერვა ან შეკეთება, სამედიცინო დახმარების გაწევა და ა. შ.).

ამასთანავე მნიშვნელობა არა აქვს, როდის იქნა მიღებული უკანონო გასამრჯელო — მოქალაქისათვის სასურველი მოქმედების შესრულებამდე თუ შესრულების შემდეგ.

2. უკანონო გასამრჯელოს გამოძალვად იგულისხმება მოსახლეობის მომსახურების სფეროში დასაქმებული მუშაკის არა მხოლოდ პირდაპირ გამოძალვებული მოთხოვნა მოქალაქის მიერ გარკვეული გასამრჯელოს გადახდისა გარკვეული სამუშაოს ან კონკრეტული მომსახურების გაწევისათვის, რომელიც ამ მუშაკის სამსახურებრივ მოვალეობას განეკუთვნება, არამედ მოქალაქისათვის ისეთი მდგომარეობის შეგნებულად შექმნა, რომლის გამოც იგი იძულებულია გადაიხადოს უკანონო გასამრჯელო, რათა აიცილოს მისი კანონიერი ინტერესებისათვის მავნე შედეგები.

3. უკანონო გასამრჯელოდ იგულისხმება ქონებრივი ხასიათის სარგებელი (ფული, სამრეწველო და სასურსათო საქონელი და ა. შ.).

4. უკანონო გასამრჯელოს არაერთგზის მიღებად იგულისხმება ასეთი მოქმედების ჩადენა ორჯერ მაინც, თუ ამასთანავე არ გასულა სისხლის სამართლის პასუხისგებაში მიცემის კანონით გათვალისწინებული ხანდაზმულობის ვადები, ან უკანონო გასამრჯელოს მიღება ერთდროულად ორი ან მეტი მოქალაქისაგან, ან უკანონო გასამრჯელოს მიღება პირის მიერ, რომელიც ადრე იყო ნასამართლევი ანალოგიური დანაშაულისათვის და ნასამართლობა არა აქვს მოხსნილი ან არ არის გაქარწყლებული კანონით დადგენილი წესით.

5. მიღებული უკანონო გასამრჯელოს ოდენობა დიდად ჩაითვლება, თუ იგი აღემატება ორას მანეთს.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი თ. ლაშხარაშვილი.

ბრძანებულება საპარტოველოს სსრ უმაღლესი საბჭოს პრეზიდიუმისა

286 საპარტოველოს სს რესპუბლიკაში რელიგიურ გაერთიანებათა შესახებ დებულებების სსრ კავშირის კონსტიტუციასა და საქართველოს სსრ კონსტიტუციასთან შესაბამისობაში მოყვანის მიზნით საქართველოს სსრ უმაღლესი საბჭოს პრეზიდიუმი ადგენს:

საქართველოს სს რესპუბლიკაში რელიგიურ გაერთიანებათა შესახებ დებულებების სსრ კავშირის კონსტიტუციასა და საქართველოს სსრ კონსტიტუციასთან შესაბამისობაში მოყვანის მიზნით საქართველოს სსრ უმაღლესი საბჭოს პრეზიდიუმი ადგენს:

შეტანილ იქნეს საქართველოს სსრ უმაღლესი საბჭოს პრეზიდიუმის 1977 წლის 16 მარტის ბრძანებულებით დამტკიცებულ „საქართველოს სს რესპუბლიკაში რელიგიურ გაერთიანებათა შესახებ დებულებაში“ (საქართველოს სსრ უმაღლესი საბჭოს უწყებები, 1977 წ., № 3, მუხ. 26) შემდეგი ცვლილებები და დამატებები:

1. მუხლი პირველი, მე-2 და მე-4 ჩამოყალიბდეს შემდეგი რედაქციით:

ა.1. სსრ კავშირის კონსტიტუციისა და საქართველოს სსრ კონსტიტუციის შესაბამისად საქართველოს სსრ მოქალაქეებს გარანტირებული აქვთ სინდისის თავისუფლება, ანუ უფლება — აღიარებდნენ ნებისმიერ რელიგიას ან არ აღიარებდნენ არავითარს, ასრულებდნენ რელიგიურ კულტებს ან ეწეოდნენ ათეისტურ პროპაგანდას. შუღლისა და სიძულვილის გავლევება რელიგიურ რწმენასთან დაკავშირებით აკრძალულია.

საქართველოს სს რესპუბლიკაში ეკლესია გამოყოფილია სახელმწიფოსაგან და სკოლა — ეკლესიისაგან.

„სახელმწიფოსაგან ეკლესიის გამოყოფისა და ეკლესიისაგან სკოლის გამოყოფის შესახებ“ საქართველოს სსრ რევკომის 1921 წლის 15 აპრილის დეკრეტის მოქმედება ვრცელდება ეკლესიებზე, რელიგიურ ჯგუფებზე, განმტოებებზე, რელიგიურ მიმდინარეობებსა და ყველა დასახელების სხვა საკულტო გაერთიანებებზე.

2. საქართველოს სსრ მოქალაქენი თანასწორი არიან კანონის წინაშე რელიგიისადმი დამოკიდებულების მიუხედავად.

უფლებათა და თავისუფლებათა განხორციელება განუყოფელია მოქალაქის მიერ თავის მოვალეობათა შესრულებისაგან. არავის არ შეუძლია თავის რელიგიურ შეხედულებათა გამო თავი აარიდოს მოქალაქეობრივ მოვალეობათა შესრულებას“.

„4. ყველა კულტის მორწმუნე მოქალაქეთა რელიგიური გაერთიანებანი რეგისტრაციაში ტარდება რელიგიური საზოგადოებების ან მორწმუნეთა ჯგუფების სახით და შეუძლიათ შეუდგნენ თავიანთ საქმიანობას მხოლოდ მას შემდეგ, როდესაც სსრ კავშირის მინისტრთა საბჭოსთან არსებული რელიგიების საქმეთა საბჭო მიიღებს გადაწყვეტილებას გაერთიანებათა რეგისტრაციის შესახებ.“

თითოეულ მოქალაქეს შეუძლია იყოს მხოლოდ ერთი რელიგიური გაერთიანების (საზოგადოების ან ჯგუფის) წევრი“.

2. მე-5-მე-7, მე-10, მე-12, 22-ე, 24-26-ე, 29-32-ე, 34-ე, 36-ე-მე-40, 42-ე, 45-ე, 46-ე, 50-ე, 52-ე და 54-56-ე მუხლებში სიტყვები „მშრომელთა დეპუტატების საბჭო“ შეიცვალოს სიტყვებით „სახალხო დეპუტატთა საბჭო“.

3. მე-12 მუხლში სიტყვა „კომიტეტის ნებართვით“ შეიცვალოს სიტყვებით „კომიტეტისათვის წინასწარი შეტყობინებით“.

4. მე-14 მუხლს სიტყვების „ცალკეულ წევრებს“ შემდეგ დამატოს სიტყვები „სათანადო მოტივების აღნიშვნით“.

5. 27-ე მუხლში სიტყვები „ისტორიული, მხატვრული და არქეოლოგიური მნიშვნელობის მქონე“ შეიცვალოს სიტყვებით „ისტორიული, მხატვრული ან სხვა კულტურული ღირებულების მქონე“.

6. 35-ე მუხლის „ბ“ პუნქტში სიტყვები „ისტორიული, მხატვრული, სამუზეუმო ღირებულების ყველა საგანი“ შეიცვალოს სიტყვებით „ისტორიული, მხატვრული ან სხვა კულტურული ღირებულების მქონე საგნები“.

7. 41-ე მუხლში სიტყვები „ისტორიული, მხატვრული ან არქეოლოგიური მნიშვნელობის მქონე“ შეიცვალოს სიტყვებით „ისტორიული, მხატვრული ან სხვა კულტურული ღირებულების მქონე“.

8. 51-ე მუხლში სიტყვები „სახელმწიფო, საზოგადოებრივ, კოოპერაციულ დაწესებულებასა და საწარმოში“ შეიცვალოს სიტყვებით „სახელმწიფო საწარმოებში, დაწესებულებებში, კოლმეურნეობებში, სხვა კოოპერაციულ და სხვა საზოგადოებრივ ორგანიზაციებში“.

საქართველოს სსრ უმაღლესი საბჭოს პრეზიდიუმის თავმჯდომარე პ. გილაშვილი.

საქართველოს სსრ უმაღლესი საბჭოს პრეზიდიუმის მდივანი თ. ლაშქარაშვილი.

თბილისი. 1981 წლის 30 ნოემბერი.